



Publicaziuns dalla vischnaunca, jamna 20

Damondas da baghegiar

2023-1047.000

Datum dalla publicaziun: 19 da matg 2023

Patrun: Hans Jürg Lehmann-Bernasconi, Via Muschnas 2, 7186 Segnas
Representant: Hans Jürg Lehmann-Bernasconi, Via Muschnas 2, 7186 Segnas
Intenziun: Construcziun nova d'in carport e procedura posteriura per ina suschna da lenna
Edifeci nr.: 330A
Parcella: 137
Adressa: Via Muschnas 2, 7186 Segnas
Zona: Zona da habitar 2 (H2)
Zona da prighel: Negina
Plan da quartier: Plan da quartier Casa Nauscha

2022-1066.000

Datum dalla publicaziun: 19 da matg 2023

Patrun: Sunrise Communications AG, Thurgauerstrasse 101B, 8152 Glattpark (Opfikon)
Representant: cablex AG, Freilagerstrasse 40, 8047 Zürich
Intenziun: Spazzar e construcziun nova digl indrez e l'antenna per la communicaziun dallas datas mobilas, indrez: GR586-1, GR_3033B, MOME Repetiziun dall'investa publica dils 9 da december 2022
Edifeci nr.: GR586-1, GR_3033B, MOME
Parcella: 2401
Adressa: Sandialas, Via Stagias 10.1, 7183 Mumpé Medel
Zona: -Zona agricola
-Zona per la protecziun dalla cuntrada
Zona da prighel: Negina

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2023-2034.000

Gion Battista Flury, Via Curtins 8, 7186 Segnas; remplazzament dallas finiastras, parcella 7, Via Curtins 8, 7186 Segnas.

Nr. 2023-2035.000

Alexi Loretz, Via Ansauna 4A, 7186 Segnas; spazzar baghetg d'economia, parcella 3259, Valzeinza Ruosna, 7180 Disentis/Mustér.

Nr. 2023-2036.000

Corporaziun d'aua Spina da Vin, Caum postal 132, 7180 Disentis/Mustér; lavurs da manteniment da contuorn dil reservuar, parcella 3999, Sur Prau, 7180 Mumpé Tujetsch.

Uffeci da baghegiar Disentis/Mustér



Referendum facultativ

A caschun da sia seduta dils 18 d'avrel 2023 ha il cussegl da vischnaunca approbau cun 13 encunter neginas vuschs (1 abstenziun) la revisiun totala dalla lescha da pumpiers sco era la revisiun parziala dils statuts Pumpiers Sursassiala.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal

Project «la pendent» - Referendum

Il cussegl da vischnaunca ha en sia seduta dils 18 d'avrel 2023 concediu in credit da maximalmein frs. 390'000 per la realisaziun dil project «la pendent». Il credit ei tenor constituziun communal vegnius suttamess al referendum facultativ.

Enteifer il termin fixau ei vegniu inoltrau il referendum, aschia che quella decisiun vegn suttamessa alla votaziun all'urna dils 18 da zercladur 2023.

Suprastonza communal

Carta per indigens 2023

Legreivlamein san las duas vischnauncas da Mustér e Tujetsch presentar cun la carta gratuita per indigens era uonn ina purschida fetg attractiva.

Tgi sa retrer la carta per indigens?

Tuttas personas naven da sis onns ensi cul domicil permanent da habitar e che pagan taglia ellas vischnauncas da Mustér e Tujetsch han il dretg da retrer gratuitamein ina carta per indigens.

Prestaziun

La carta per indigens legitimescha duront tschun differents dis enteifer il temps da menaschi entochen igl october 2023 da far diever gratuitamein dallas pendicularas Caischavedra / Cuolm da Vi / Schneehüenerstock / Gütsch (max. duas pendicularas per di).

IMPURTONT:

La carta per indigens ei da returnar sil pli tard **entochen la fin da november 2023** al spurtegl dallas administraziuns communalas dallas vischnauncas da Tujetsch e Mustér.

La carta ei persunala e buca transmissibla.

Suprastonza communal



PREAVIS

Medel-Mustér-Tujetsch

s'entaupan ella Academia Vivian a Stagias

Cultura, cant e musica da mintga vischnaunca accumpignau cun specialitads culinaricas.

Sontgilcrest, ils 8 da zercladur 2023 allas 16.00

Il transport vegn organisau entras las vischnauncas. Nus supplichein Vus da s'annunziar entochen gliendisdis, ils 5 da zercladur 2023 tier l'administraziun communal, Carmen Wetzel sin 081 920 36 36 ni cwetzel@disentis.ch.

Il program detagliu vegn repartiu en fuorma d'in fegl sgulont.

La sentupada ha liug mo da bialaura. En cass da dubi dat nr. 1600 (rubrica 1) sclariment.

Nus selegrein gia oz sin ina sentupada dalla Sursassiala.

Suprastonza communal Disentis/Mustér

Administraziun communal

Sur Anceinza resta l'administraziun communal serrada

naven da **mesjamna, ils 17 da matg allas 17.30 entochen gliendisdis, ils 22 da matg allas 8.30.**

Bien engraziament per Vossa capientscha.

Administraziun communal

Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni administraziuns d'immobillas che han pigl 1. da zercladur 2023 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **2 da zercladur 2023.**

Sco habitaziuns vitas el senn da quella dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ei pil di dacontrolla (01-06-2023) vitas, denton habitablas e
- ch'ei pil di da controlla (01-06-2023) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

Administraziun communal



Serrada senda dils Laruns

Muort lavurs da raccolta da lenna resta la senda dils Laruns sco era la Via Tioles serrada naven d'immediat entochen ils 31 da matg 2023.

Per prevegnir ad accidents supplichein nus vischinas e vischins d'observar las directivas signalisadas.

Bien engraziament per la capientscha.

Disentis/Mustér, ils 26 d'avrel 2023

Uffeci forestal Disentis/Mustér

Colonna d'agid Mustér

Cuors da reiver per affons

Camp da reiver per affons dalla Colonna d'agid CAS Mustér 2023

Sco gia dapi biars onns meina la Colonna d'agid Mustér atras dus cuors da reiver per affons denter 9 e 16 onns (annadas 2007–2014). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport empredan ils affons semplamein ed en cuminonza igl ir a cuolm.

- Datum: Dumengia – venderdis (1. jamna 16-7.entochen 21-7-2023, 2. Jamna 23-7. entochen 28-7-2023)
- Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.
- Material che maunca san ins retscheiver dil cuors.
- Cuosts: frs 290.– per affon (cumpriu pensiun cumpleina, material e surnotg a Lai Alv)

Annunzias ei pusseivel naven dils 4 da zercladur 2023 sut laialv@disentis.ch

Colonna d'agid Mustér

6avel Di svizzer da preleger

Mesjamna, ils 24 da matg 2023 allas 14.30 legin nus avon la historia «Lumpi» e mussein vid ina gronda preit ils maletgs ord il cudisch. Suenter quei kino da cudischs da maletgs per romontsch astgan ils affons leger avon historias al tgaun Tinca. Nus selegrein sin tia viseta!

Il team dalla biblioteca populara Disentis/Mustér e contuorn

Uniun pelegrins da Lourdes Surselva

Survetschs divin matg 2023

Nus envidein cordialmein a suandontas messa **Mesjamna, ils 24 da matg** s. messa a Curaglia allas 19.00

Nus selegrein sin Vossa partizipaziun!

La suprastonza
